


# Tun-i Kon Paano Gamiton ang Biblia

Si apostol Pablo isa sa pinakakilala nga Cristianong manugbantala. Ano ang nakabulig sa iya nga indi mahadlok sa pagsugid sang iya ginapatihan?

Sia nagsulat: "Himua ang imo bug-os nga masarangan nga ipresentar ang imo kaugalingon nga kalahamut-an sa Dios, isa ka manugpangabudlay nga wala sing ginakahuya, kag ginagamit sing husto *ang pulong sang kamatuoran.*" (2 Timoteo 2:15) Pareho ni Pablo nga naggamit sang "pulong sang kamatuoran," magamit mo man ang Biblia sa pagsugid sang imo pagpati sa iban.

Subong pamilya, tan-awa ang "Sabat sa mga Pamangkot sa Biblia," sa [jw.org/hil](http://jw.org/hil). (Buksi ang PANUDLO SANG BIBLIA > SABAT SA MGA PAMANGKOT SA BIBLIA.) Sa seksion nga "Pangamuyo," magpili sang pamangkot nga mahimo ipamangkot gid sa inyo. Basaha ang sabat. Hambali ninyo kon ano nga teksto ang gamiton sang kada isa sa inyo sa pagsabat sang pamangkot. Dayon, magpraktis paagi sa pagbuslanay sa pagpamangkot kag sa pagsabat nga ginagamit ang Biblia. Isulat ang pamangkot sa una nga bilog sa ibabaw sang ulo sang bata. Sa ikaduha nga bilog, isulat ang tulun-an, kapitulo, kag bersikulo sa Biblia nga gamiton ninyo sa pagsabat.



- ▶ **TILAWI INI:** Tun-i pa gid ang parte kay apostol Pablo. I-download ang Bible Card nga "Pablo" sa [jw.org/hil](http://jw.org/hil). (Buksi ang PANUDLO SANG BIBLIA > KABATAAN > BIBLE CARD.) Sabta ang mga pamangkot sa card kag tan-awa kon husto ang inyo mga sabat.